

793—804 nomine patriam¹ relinquentes peregrinari² voluistis et tribulationibus opprimi nefandorum non renuistis hominum; scientes apostolum dicere: 'Tribulatio probationem facit'; et item: 'Non sunt condignae passionis huius saeculi ad superventuram gloriam, quae revelabitur in nobis'.

Eph. 6, 10.

Ideo, karissimi fratres, confortamini in Domino et viriliter state, locum certaminis vestri non deserentes. Quia non incipiens sed perseverans in finem salvus erit.

Matth. 24, 13.

Ps. 33, 20.

Multae sunt tribulationes iustorum, sed maiora sunt praemia perseverantium in patientia. Regularem vitam, a sanctis patribus vestris vobis statutam, omni studio conservare nitimini. Quia observatio mandatorum Dei protectio est a tribulatione adversariorum. Et lectionis studium diligenti cura exercete. Magnum enim lumen scientiae a vobis per diversa patriae nostrae processit loca; et multorum profectus multa^a vobis merces in futuro dinoscitur^b. Sine reprehensione estote omnibus, et luceat^c lux vestra in medio nationis perbarbarae³, quasi clarissima stella in occidua caeli parte. Viventes in karitate et castitate et concordia sanctae pacis, adolescentulos vestros diligenter erudite, et senes honorate, et sacerdotibus vestris oboedite⁴.

Et domnum^d episcopum⁵ habete quasi patrem in omni reverentia et dilectione. Et ille vos gubernet et vestram regat vitam cum omni timore in conspectu Dei; ut magnam ex vobis mereatur mercedem apud Deum, et vos per ipsum donante Deo aeternam recipiatis coronam; quatinus ille cum antecessoribus suis, sanctissimis videlicet patribus, vobiscum aeternae beatitudinis gloriam recipiat et, multiplici numero vestrae congregationis honoratus, laudabilis in conspectu aeterni iudicis stare dignus habeatur. Nam salus gregis laus est pastoris et eruditio filiorum gloria est magistri.

Haec omnia pio animo considerantes, corrigite vosmetipsos, facientes voluntatem Dei cum omni sollicitudine; ut ex brevi huius temporis labore aeternam cum Christo et sanctis eius possideatis requiem.

Gratia divina vos, fratres karissimi, in omnibus bonae vitae meritis florere faciat et ad beatitudinis pervenire gloriam concedat.

288.

Alcvinus archiepiscopum quendam Anglicum ad praedicandi studium cohortatur; pro muneribus gratias agit. 793—804.

Codd. A 1 fol. 131'—132', A 1* p. 155—156 nr. 110^a.

Ed. J 297.

DOMINO PATRI ILL.^b ARCHIEPISCOPO HUMILIS LEVITA ALCHVINUS^c SALUTEM.

Gaudens gaudebo de prosperitate dilectionis^d vestrae et^d predicationis^e verbi Dei instantia et veritatis testificatione, in qua vos laudare^f supervenientibus illis de partibus^g laetus audio. In qua etiam opto Deumque deprecor, ut proficias in exaltatione aecclesiarum Christi, quarum te patrem in caritate et^g predicatorem in veritate, defensorem in virtute Dei idoneum esse non dubitamus. Quia haec est laus et gloria dignitatis tuae in die magno domini nostri Iesu Christi, quando sedebit in sede^h magestatis sue iudicare mundum et reddere unicuique sanctorum beneque laborantium servorum eterne beatitudinis coronam.

^a) multo A 1. ^b) dignoscitur A 1*. ^c) lucead A 1. ^d) dominum A 1*.

288. ^a) Lemma: Epistola Albini A 1. ^b) N. A 1*. ^c) Alcuinus A 1*. ^d) et de dilectione vestra et de A 1*. ^e) predicationis A 1. ^f) rec. man. corr. in laudari A 1, A 1* ^g) om. A 1*. ^h) sed A 1.

1) Britanniam. 2) in Hibernia. 3) Hibernorum. Cf. Philipp. 2, 15: sine reprehensione, in medio nationis pravae et perversae. 4) Cf. supra p. 443 l. 22. 5) Coenobio Mugensi proprios episcopos praefuisse retuli supra p. 19 n. 1. J. 6) ex Anglia sine dubio.